



Inatsisartuni ilaasortaq Pele Broberg, Partii Naleraq

Qulimiguullit pillugit § 37 naapertorlugu apeqquteqaammut 2021-017-imut akissut

10-02-2021
Suliaq nr.: 2021 - 2715
ID nr. 61265288

Asasara Pele Broberg

Inatsisartut suleriaasianni § 37 naapertorlugu qulimiguullit pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqut 1: Qulimiguullit nutaat H155-it ullumikkut B 212 assigalugit timmisartuussinissaminnik silap qanoq ittuussusaannut piunasaqaatit assigiippat?

Akissut: Apeqqutip taassuma akineqarnissaanut atugassatut Air Greenland akissuteqartinneqarpoq, akissullu unaavoq:
"VFR-imi imaluunniit IFR-imi silap pissusianut atortut atorlugit timmisartuussinermi aalajangersakkatigut tunngaviusut assigiinngillat. B212 taamaallaat VFR-imut aalajangersakkat malillugit sullissinissamut akuerisaavoq. H155 VFR-imut aamma IFR-imut aalajangersakkat naapertorlugit sullissinissamut akuerisaavoq. H155 IFR atorlugu timmisartuussinissamut aalajangersakkanik tunngaviusunik naammassinnissinnaanngikkuni, VFR-imut aalajangersakkat, B212-imut silap killilersuisarnerata assingi atorlugit timmisartuussisartussaavoq."

Apeqqut 2: Qulimiguullit H155 nutaajuppat imaluunniit atoreernikunik pisisoqarsimava?

Akissut: Apeqqutip taassuma akineqarnissaanut atugassatut Air Greenland akissuteqartinneqarpoq, akissullu unaavoq:
"Qulimiguullit nutaat atornikutut pisiarineqarput."

Apeqqut 3: Qulimiguullit H155 nutaat akuerisaappata, sullissinermullu isumaqatigiissutini atortulersugaallutik, marlunnik pilot-erlugit aamma/imaluunniit IFR-timmisartuusseqqusaallutik sermernartoqartillugu (soorlu persertillugu)?

Akissut: Apeqqutip taassuma akineqarnissaanut atugassatut Air Greenland akissuteqartinneqarpoq, akissullu unaavoq:
"H155 Kalaallit Nunaannut tikinnermini single pilot IFR atorlugu sullissinissamut akuerisaassaaq, tassalu qulimiguulik B212-itulli ataasiinnarmik piloteqarluni VFR atorlugu sullissinissaassaaq, tamatumalu saniatigut IFR atorlugu timmisartuussinissamut aalajangersakkat sinneri malinneqarpata, aammalu

mittarfii/heliportit tikiffigineqartussat IFR atorlugu sullissinissamut akuerisaappata qulimiguulik aamma IFR-ini silap pissusianut naleqquttumik sullissinnaassaaq."

Apeqquut 4: Qulimiguullit H155 nutaat sermernartumi timmisinnaappat?

Akissut: Apeqqutip taassuma akineqarnissaanut atugassatut Air Greenland akissuteqartinneqarpoq, akissullu unaavoq:

"Naagga, H155 silap killilersuinerani sermernarissaanut ulorianartorsiorfiuppata sullissinissamut akuerisaanngilaq."

Apeqquut 5: Qulimiguullit H155 nutaat Kullorsuarmut timmisartuussissinnaappat, allaaserisami Bell 212 inugaanni?

Akissut: Apeqqutip taassuma akineqarnissaanut atugassatut Air Greenland akissuteqartinneqarpoq, akissullu unaavoq:

"Kullorsuaq ornigassatut IFR atorlugu timmisartuussivigineqarnissamut akuerisaanngilaq, taamaattumillu H155 timmisartuussinermini VFR-imut aalajangersakkat malillugit B212-imut killilersuutit assinginik atuilluni timmisartuussisartussaassaaq. Taamaattumik akissut naaggaavoq."

Apeqquut 6: Qulimiguullit H155 nutaat angallassinikkut unamminartutut atuuttut eqqarsaatigalugit ikiuutaasinnaappat soorlu silap killilersuineri eqqarsaatigalugu sullissinikkut suliassat tamaasa eqqarsaatigalugit?

Akissut: Apeqqutip taassuma akineqarnissaanut atugassatut Air Greenland akissuteqartinneqarpoq, akissullu unaavoq:

"Naagga, sullissinerit amerlanersaat aamma siunissami VFR-imut aalajangersakkat malillugit, taamaalillunilu maanna sullissisarnermi killilersuinerit assingi atorlugit ingerlanneqartartussaapput."

Tamatuma saniatigut Air Greenland ilassusiivoq:

"Piffissamik eqquisinnaanernut qulimiguullit sueneri apeqqutaanngillat. Kisianni H155 ullumikkut B212 atorlugu sullissinermit sukkanerusumik piffissamik eqquisinnaannginnermi ilaasussanik IRR pax apuussuisinnaavoq, sukkanerusumik isorartunerusumullu timmisartuussisinnaagami."

Apeqquut 7: Qulimiguullit AW-SAR H225 nutaat sermernartoqartillugu timmisinnaasut, inunnik angallassinermi naliginnaasumik atorneqarsinnaappat?

Akissut: Apeqqutip taassuma akineqarnissaanut atugassatut Air Greenland akissuteqartinneqarpoq, akissullu unaavoq:

"H225 nutaaq niuernermit tunngaveqarluni ilaasunik angallassinissamut akuerisaavoq. Kisiannili SAR-imut upalungaarsimaneq pillugu isumaqatigiissummi periarfissaq taanna eqqarsaatigineqarsimanngilaq. H225 nalunaaquttap akunnialuisa ingerlanerinnaanni niuernermit tunngaveqarluni angallassinissamut piareerineqarsinnaasussaavoq. Tamannali pissappat isumalluutit (pilotit/mekanikerit), SAR-imut isumaqatigiissummut ilaasussaannngitsut ilaneqarnissaat pisariaqartussaavoq."

Apeqquut 8: Naalackersuisut uppernarsarsinnaavaat sullissinermik isumaqatigiissutit nutaat qulimiguullit atorlugit angallassinermi, pilot-imik

ataatsimik NAT-VFR tunngavigineraat tamannami immikkut akuersissutaasusammatt inatsisitigut (BL 7.1 kapitali 5 imm. 5.1)?

Akissut: Apeqputip taassuma akineqarnissaanut atugassatut Air Greenland akissuteqartinneqarpoq, akissullu unaavoq:

"Aap, sullissinerit VFR-imut aalajangersakkat malillugit ingerlanneqartillugit, inatsimmik immikkut akuerineqarnissaa pisariaqartussaavoq."

Apeqput 9: Naalackersuisut uppersarlugu oqaatigisinnaavaat qulimiguulinnik angallassinneq 2024-imiit atorunnaassasoq Nunatta Kujataani, aningaasatigut pilersaarutini sipaarniarneq siunertaralugu?

Akissut: Naagga. Kiffartuussinermut isumaqatigiissutit isumaqatiginninniutigineqarnerini aamma 2024 tikillugu nunap immikkoortuani angallavinni aalajangersimasuni qulimiguullit atorlugit assartuussinissaq tunngavigineqartuursimavoq. Kisiannili Qaqortup Mittarfia atorneqaleriarpat nunap immikkoortuani angallasseriaatsit allannguuteqangaatsiartussaapput, taamatullu kiffartuussinermut isumaqatigiissutini assartuussinereit tamarmiusut 50%-inik annikilleriartussatut missilliorneqarlutik. Tamanna tunngavigalugu angallasseriaatsit ataatsimut isigalugit pitsaanerpaanik angusaqarnissaq siunnerfigalugu, 2024-p kingorna Kalaallit Nunaata kujataani siunissami qulimiguulinnik angallassinissamut atugassarititaasut aalajangiiffiginissaannut Qaqortup Mittarfia atulernissaata utaqqineqarnissaa naapertuunnerpaassasoq naliliisoqarpoq. Kisiannili mittarfiup atulinnginnerani piffissaalluarallartillugu atugassarititaasut sukumiisumik ilisimaneqalartarneri ilutigalugit siunissami qulimiguulinnik sullissinissamut aaqqiissutissat aalajangersimasut pillugit isumaqatiginninniarnereit aallartinneqarnissaat tunngavilersuutigineqarpoq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga


Karl Frederik Danielsen